

>> KHAS > COVID-19 > Penjawat awam boleh ditamatkan perkhidmatan jika enggan divaksin

## Penjawat awam boleh ditamatkan perkhidmatan jika enggan divaksin

MUHAMMAD AMNAN HIBRAHIM || 18 Oktober 2021



Gambar hiasan.

SHAH ALAM - Penjawat awam yang tidak mematuhi arahan daripada ketua jabatan untuk mendapatkan dos vaksin Covid-19 selepas 1 November ini boleh dikenakan tindakan tatatertib atau ditamatkan perkhidmatan.

Perkara itu dinyatakan oleh Jabatan Perkhidmatan Awam (JPA) menerusi Pekeliling Perkhidmatan Bilangan 4 tahun 2021 yang dikeluarkan pada Isnin.

Menurut pekeliling tersebut, pegawai yang tidak boleh melengkapkan vaksin Covid-19 atas sebab kesihatan bagaimanapun boleh dikecualikan daripada arahan tersebut, hanya selepas membuat pemeriksaan kesihatan dan disahkan oleh pengamal perubatan berdaftar.

Pegawai yang tidak boleh menerima vaksin Covid-19 atas faktor kesihatan itu bagaimanapun perlu membuat ujian pengesanan dengan kosnya ditanggung oleh kerajaan.


“Pegawai adalah bertanggungjawab untuk mendapatkan dos imunisasi Covid-19 yang lengkap sebagaimana yang ditetapkan oleh kerajaan.

“Ini bertujuan untuk memastikan persekitaran tempat kerja yang selamat dan penyampaian perkhidmatan serta produktiviti perkhidmatan awam berada pada tahap optimum,” menurut pekeliling tersebut yang ditandatangani oleh Ketua Pengarah Perkhidmatan Awam, Tan Sri Mohd Khairul Adib Abd Rahman.

Pekeliling itu turut menyatakan bahawa penjawat awam tertakluk kepada syarat-syarat perkhidmatan selaras dengan Fasal (2) Perkara 132 Perlembagaan Persekutuan dan terikat dengan Surat Aku Janji yang ditandatangani apabila dilantik ke dalam perkhidmatan awam Persekutuan di bawah subperaturan 20(3) Peraturan-Peraturan Pegawai Awam (Pelantikan, Kenaikan Pangkat dan Penamatan Perkhidmatan 2012.

Menurut JPA, subperaturan 20(8) P.U. (A) 1/2012 turut memberi kuasa kepada ketua jabatan untuk mengarahkan mana-mana pegawai yang sedang berkhidmat untuk mengemukakan maklumat kesihatan bahawa pegawai tersebut telah mendapatkan dos imunisasi Covid-19 lengkap.

“Oleh itu, Pekeliling Perkhidmatan ini dikeluarkan selaras dengan subperaturan 62(2) P.U. (A) yang memberi kuasa kepada Ketua Pengarah Perkhidmatan Awam untuk mengeluarkan panduan bagi menjelaskan pelaksanaan dasar ini,” katanya.



The image is a screenshot of a HotelsCombined search results page. It features three columns of hotel listings. The first column is for 'Hotels in Port Dickson' with a starting price of 'from RM 12'. The second column is for 'Hotels in Sepang' with a starting price of 'from RM 39'. The third column is for 'Hotels in Bagan Lalang' with a starting price of 'from RM 132'. Each listing includes a small image of a hotel or resort, a 'Book Now' button, and the HotelsCombined logo at the bottom.

Location	Starting Price (RM)
Hotels in Port Dickson	from RM 12
Hotels in Sepang	from RM 39
Hotels in Bagan Lalang	from RM 132